

大清光緒三十年

本館新開除禮拜外每日出報一
紙如外埠均可函致本館取
閱本報如欲閱報者請向本
也除日本英法德俄美各國
借工本從英法德俄美各國
紙各書簿以待與辦釘書裁
刊印字及各式花邊等延有
體活字均能印刊並精工刊
西文大小機器均用精工刊
印字大小機器均用精工刊

第六千八百三十四號

叻報

D零號四廿百一第牌門力得實勞哥在館本

印工絕倫並延有文士書
寫各種文字現由上海購到
各種新式活字其相宜再
刊佈所登各項原稿其有
世道人心者附錄其有須
得於人而後始錄其有須
成文以及支離費解者概不
登錄更須寫真君來札向
自原稿收回也本館謹白

甲辰十月初五日

Printed and Published by See Ewe Lay 五拜號一十月一十年四零百九千一英大) at No. 124-D, Cross Street, Singapore.

敬頌良醫 ○陳紫波先生當今之和緩也在叻有年醫名卓著經掛人齒頰久矣適余內拙患怔
忡病經有累月屢請中西名醫迄無成效病益劇以謂一髮千鈞無可施治幸先生省親南旋即請診治沉
痼頓除其治法抑何神乎幸喜勿藥聊述病情登諸報端以誌不朽云
光緒三十年九月二十五日 十八間前萬成順沈雲石謹佈 卅

要電代論

美國總統留任專電 ○本坡實得力太晤士西報接到初三日紐約發來專電云現任美國總統
羅士美刻已滿期經由舉國人民再行公舉復留一任云 按美例總統以四年為一任若使眾心愛戴方
可再留一任然亦不得過於八年之外例在則然也

俄日仗務特電 ○本坡實得力太晤士西報接到初三日英京發來特電云俄廷傳諭九大鎮之
後備將弁一律調出使赴前敵而舊京摩士高及奧參沙之巨鎮皆在其內云 初四日英京特電云近有
俄國後備軍兵一千名同由內地拔隊起程行經摩士高時忽在路上肆行槍掠迨至該處地方官聞警派
兵前往彈壓之際諸亂兵竟敢礮石拒敵來兵出於無奈開槍擊斃以致諸亂兵當場被其擊斃及擊傷者
共有六名云 同日英京特電云勞打電局駐芝罘探訪人致電回英云聞攻旅順之日軍刻已擬訂條款
特招旅順俄軍出降不復承認士多氏為該處俄軍之統 與彼安商云 同日英京特電云勞打電局駐
日京探訪人致電回英云自去月念八日以來日軍圍困旅順各事雖屬甚緩然已甚為得手云云該探訪
又報沙河消息據言俄總帥古勞北京部下諸軍有因日前戰事或死或傷以致缺額者即由俄國派兵前
來補足云

俄船踪跡特電 ○本坡實得力太晤士西報接到初三日英京發來特電云俄國水雷獵船烈士
打尼前由旅順隨同戰艦突圍竄赴上海茲悉該船管駕刻由上海逃至吳淞想必附搭德國郵船言返故
國云 初四日英京特電云日前俄國郵船羅羅尼士既由黑海駛過土耳其海峽之後至初一日復有郵
船三艘續行出峽云 同日英京特電云蘇彝士河之總辦因為近有波羅的海俄國艦隊駛過此河特派
巡河員役在於沿河兩岸小心巡察謹防意外之虞云 按蘇彝士河廣二十二丈深二丈二尺是其河身
甚窄水不甚深輪船往來只能魚貫而行不能方舟並進蓋為此也

英俄交涉特電 ○本坡實得力太晤士西報接到初三日英京發來電音云英京理藩院大臣烈
打敦在廉明敦地對眾宣言曰竊願各人不可預存意見是必候至閱過北海最後約章如何擬訂之後
方有定評事因日前我英廷所訂條款請諸俄皇業於文字之中顯示俄國必將查明獲咎人員治以應得
之罪現在英廷仍舊堅持此說以是觀之此等條款必能終如所願云 同日英京特電云英國辦理印度
事務侍郎勿勞得力在兒鉢地方對眾宣言曰俄國此次所留將弁四員仍在威我守候各國人員會訊北
海漁船意外被災之案該俄將等諒必乃係澈底深知此事之証人以及可替獲咎人員為之指証云

藏事特電 ○本坡實得力太晤士西報接到初四日英京發來電音云英京太晤士報駐北京探
訪人續電回英云達賴喇嘛現在經由拉薩逃至庫車該處地方官自當遣人送抵庫車城內中國亦已遣
一大員前往庫車以便護送該喇嘛安置於叢林之內云

日貸外欸特電 ○本坡實得力太晤士西報接到初三日英京發來電音云日廷欲向外間貸欸
英金十二兆五十萬磅此次股票半在倫敦半在紐約不日便當發出刻下股市之價經已每百元漲至一
元二角五仙云

英土交涉特電 ○本坡實得力太晤士西報接到初三日英京發來電音云土王現在有意遷延
未將前與英國訂定夏甸內地邊界草約為之畫押其在土王之意欲將此約再行刪改惟英不從聲言是
必遵照委派人員業經劃定之界限而行云云土廷又向英廷訴稱印度國家派往哥逸地方人員殊背日
前英土兩國訂定之約請將該員立予撤回云云英京外部大臣連煖覆稱此事當俟本大臣詳查核奪云
初四日英京特電云英廷已派快船一艘馳赴衣文地方接助派往夏甸內地中央劃界人員辦事云

以身報敵 ○俄京來函云自俄日開戰以來每日將被俘獲回俄國不意俄之婦女不以爲仇反以爲好時多餽贈藉伸愛慕之私甚且携手同車借遊園而更或當街接吻恍如玉樹交枝末卜諸婦女深喜日將之儀容抑暴日將之善于際戰頓令俄人見此忿不能平其俄報且謂勳婦女慎勿再復如斯以致大失我國體面又有某處地方官刻已禁止所俘日將不得往遊各園圃及酒樓茶館以示防閑云按俄國婦女似此行徑人多以忘仇越禮爲嫌殊不知女子善懷有非粗人所能逆料者忖彼俄婦之意殆因日人既已厚待所俘俄之將卒早已有感于心今故一見日俘即欲舍身圖報此誠以德報德豈有他哉惟未卜婦之夫婿聞之果能稍除其醋味否

仁暴天淵 ○俄京來函云溯自日俄開戰以來俄京屢次接到由法國郵政局寄來裝包物件有如珍飾 烟袋 金十字架 銀鏡等物時附郵傳細查各物來因有足令人起敬者事緣日本諸軍每當陣上掩埋陣亡俄軍屍首之時在其身畔搜獲留存之物細爲標誌送呈國家所設隨營彙收陣亡俄軍遺物之專員再由該員加封轉寄俄京俾得分給陣亡俄軍之家屬代留算婦孤兒之紀念日軍用心仁厚真足令孤殘感泣仇敵傾心以是覘之足見日前風傳日軍每每陣斃俄軍遺屍之言係屬子虛之事云 按于此一節即可見日本邇來日進文明實有駕乎歐洲之上者以視俄軍每于戰後查搜戰場遇有負創之日軍即加殺害且復遍搜屍身所遺財物歸入私囊一暴一仁何其相反乃爾

吉隆近事 ○爪勝南暴來信云傳聞該號下屆酒賭當之餉碼已爲陸秋傑及李廣南兩人投得而海口烟碼亦由兩人承充以上各碼現由粵商陸君裕祜及已故甲政葉君觀勝承駁而下期餉項已有加增 現在該處國家定議特訂新章擬由西明年起在屋租項下抽出二巴仙以充該處學堂經費 按該處所徵各項賦稅除支銷外尚有盈餘今何必多此一舉 國家定議凡各漁戶所用漁網之孔不能窄過半英寸云

有心諉過 ○某法報云細推此次北海英國漁船所遭意外奇災之故實由日本咬亦而來云 按法報言論每每抑日揚俄此特一斑固無足辨

主教敢言 ○瀋陽來札云滿洲希臘教堂某教主此次宣揚教旨之時竭力攻擊俄國據言俄在亞東所行政策實屬腐敗不堪云云以致衆人乍聽斯言不禁深爲駭異云 按俄國素多崇奉希臘教者今該主教反詆俄之無狀可云遇事敢言然而公是非自應爾爾

量入爲出 ○越南來翰云越之東京法國國家經將西去年出入口貨數結算統計出口之貨共價三百二十五兆佛冷比之上年出口貨值減去七十兆佛冷此因是年未造不甚豐收是以出口米值較之上年亦減一百四十四兆佛冷入口貨值比之上年減去十一兆佛冷云

閩事三則 ○福州各衙署內許筠帥督閱時概行添設德律風并派學生數人在署專司其事以備隨時與各衙門對答公事之用當崇留守署督時將此項全行裁撤迨魏帥蒞閩查悉其事立時德律風等件概予照舊辦理此則午帥蒞閩後政治之見端也○福州城內戶口約以一萬戶計每二百五十戶設蒙學堂一所每所延聘教習十餘員分課該處少年子弟統計城內共設蒙學堂四十所所有教習薪水堂中費用擬由官中籌給如有力之家自行延聘教習在家課導子弟者亦須預先報明存案仍按季由官派員稽查堂課勤惰以後方准報名考試以及挨次遞升大學堂如有不將子弟送入各該處蒙學堂受課及私設學堂未經報明者均惟該父兄是問或治該父兄以應得之罪有差○在籍工部郎中黃德彝與日商馬甘保互控債欸一案經於去月十二日由南洋大臣特派專員會同西班牙公使當堂判結十數年糾葛巨案一旦冰釋外間衆議紛紛互論曲直案已注銷言之亦復何益惟聞當畫結時黃意猶未肯肯問官乃自以百金作爲賠款始行畫押及令原被兩造各握手爲禮以示兩相和睦之意亦可謂善於和事矣

會黨竄浙 ○近日喧傳樂平會黨闖入浙境開化縣接近三衢爲浙江重鎮萬一再釀庚子之覆轍全浙何堪設想想有地方之責者定必弭禍於無形也

臬案六紀 ○前日臬憲提訊穆拉油人夏連加烟居住東陵門牌三十九號去月十八日下午二點餘鐘局戶外出被改穆拉油裝之華人阿利破門入屋盜去銀表銀鍊紗籠布衫等件被三百二十五號巡差當場拘獲入案由府詳臬核奪案由廉訪研訊得實判禁六年 又提訊客人林蓮羅東明鍾對錢蘆等四名私鑄偽銀案綠林等全寓實里宜路門牌八十號零四號八月廿九日被警察總差帶全五百十九號暗差三百三十一號巡差到寓搜獲一元銀模一只五毫銀模二只二毫銀模一只并鍋爐藥水鉛錫等器物由府上詳臬憲親提研鞫羅錢鍾三名無辜被逮恩准免究其林蓮一名判入二年之獄 又提訊瓊人何洪敬前因在碩莪街慶鳳樓妓黃友房內被粵人薛照王定揮刃傷腹後由暗牌華總差鄭金水携全五十號二畫暗差前往丁加勞街門牌二十號樓上拿獲薛照王定二名經由府訊察得王定委係無辜已經摘釋薛照詳臬裁判前日臬署提審薛照判禁五年以示懲儆

逸犯起解 ○前報閩人蔡祺生前在巴城因犯吞騙該處國家款項二千員私逃來叻該處國家電達本坡府署請爲截拿嗣由暗牌華總差鄭金水在吉靈街第九十號門牌樓上將蔡竊獲交府訊究一節茲悉日前由府訊畢判令初七日解返巴城歸案懲辦 一身是膽 ○叻坡樓宇雲連烟戶稠密每屆入夜電燈達旦有光而且邏卒輪守倘逢深夜嚴詰揚物而行國家防閑備至即使神出

大荷蘭總領事示 ○大荷蘭國總領事府 為招投餉碼事照得國家定於西一千九百零四年利心末月八號即華十一月初二日禮拜四在寧內之丹戎檳榔將寧內及其轄下各地方之賭 猪 胡椒之餉碼招人投標承充其承充之期係由一千九百零五年亦不里月一號起至一千九百零六年碼只月三十一號止或由一千九百零五年亦不里月一號起至一千九百零八年碼只月三十一號止亦無不可而七洲洋中之浮羅除柔各海島不在其內有欲承充者其如期前往投可也特示
西一千九百零四年九月廿一號 示

良醫到叻 ○李德風先生潮人也亦吾友也精岐黃術品學亦優前在潮活人指不勝屈至於奇難雜症著手回春人咸噴噴稱道此大遊歷南洋欲顯其名於四域現寄寓於十八間境萬成順內懸壺濟世坡中人恐未能週知因誌數語刊諸報中為有病者知所問津焉
光緒三十年九月二十五日 漆木街萬順隆內沈清守林照庭同佈

男女百病藥酒發客 ○者人德堂本號住在小坡海南公司後大馬路墘發售男女百病藥酒以治寒熱往來骨節疼痛婦人產後冷風麻痺等症服者立效本先生住在山頂巴密黎峇每一禮拜到店視症輕重或六個月抑八個月抑乙年此藥酒服之即愈立效如神此佈
光緒三十年八月廿一日 蘇紹烈謹啟

此圖乃肝膽補血丸之裝式



大英一千九百零四年十月十七號

夜不成眠及腸結之症服肝膽補血丸可愈 ○茶渣久貯於壺若不舍去而後烹之則茶味淡而無補飲之有害故此壺必經洗滌清潔方可復用如大便不通渣滓之物久滯於身則全體不潔百病叢生非得妙藥以攻之則貽害匪淺治腸之藥莫妙于戴利和肝膽補血丸英國電汽師文莫君云予當學業時每赴某都某郡則覺水土不合致多疾病時有大腸閉結中心鬱悶目不合眼日則四肢疲倦倦欲臥在床夜則兩目眈眈刻不交睫服諸藥九毫無效驗忽一日有人送新聞紙到門予展讀之下知北敏恒地方某人得病時係服戴利和先生肝膽補血丸乃愈予是予亦試服一瓶後二日覺頗愈自此之後日益康健及畢業時疾已全愈矣且體氣壯非昔日所可比此可見肝膽補血丸之神效眾喙一辭其神效處誠百發百中難以備述焉 戴利和先生肝膽補血丸係專治風疾脚氣飲食不歸身體虛弱血枯血竭四時疫氣腦弱頭痛風濕腰痛腸痿心跳背骨疼痛腸結痔瘡胃敗肝痛腸積腸風并面生斑點皮發瘡毒及一切婦女月經不調或經前經後腹痛等症試之立驗 孟嘉大藥房謹啟

精製印稿墨水發售

啓者西人修函必印底稿欲免錯悞遺忘之弊誠善法也然而所用印稿墨水寫字必須振筆疾書稍一遲留便防成函稿亦復難免模糊有此弊端仍屬美中不足茲有格致之士新製印稿墨水一種所書函札印存底稿均無濃痕瀉出之嫌確能隨筆所書一絲不走似此盡善盡美足徵利用無窮近將此種墨水寄託本館為之代售今特廣為傳佈銷場加以藉擴物美價廉一試便知其妙矣此佈
甲辰年三月十四日 本館謹啟

騷擾之婦人 ○嘗云男人作工婦人泣哭 嗟乎生此冗繁世界婦人每多做工而帶哭者何也蓋婦人得休日少而做工多甚至做工艱苦日日於斯無時不歇者悲乎 婦人體氣本屬嬌懦做工多必易於染病故此輩多患懶懶軟弱易於觸怒也 此等失志騷擾之婦人必失其脾胃日久漸成瘦弱時則心跳之症發作必須安臥一二日以養其身力 如逢外間有時疫傷風或風瘴之症流行彼多不免其染由此則喉症肺病各疾攻身其關係誠莫能預言也遇有此等艱苦之婦人則須立命渠停工安歇一時並購置一罇黃浦先生之魚肝油精與之服食 此藥以治婦人之症可謂最善之良藥也 且其味好食如蜜之甘並無氣味婦女小孩最喜食之內存有魚肝油精 ○輕養燐養糖水 麥芽精 野櫻菓並補身補骨之藥品合製而成專治身血不潔飲食積滯身體瘦弱精神恍惚忽頸生瘰癧食滯不消手足無力及婦女血竭皮色青黃月經不調或喉病聲啞肺癆吐血等症 搜遍地球總不能尋得一藥有此藥之好者先服此藥以後用膳可使食物有益易於消化家家戶戶用過此藥者莫不齊聲喝采 一服立得其效如你有病一罇可治之 我大美國名醫彼伊氏曾云此藥乃十全無易之佳品實有醫病之能其功莫能言喻 余近用此藥以治咳嗽肺癆瘦弱之症兩閱月間該病人已增有二十磅之重 服此藥精可保其必愈總不致失望也 天下假藥甚多購時須認真黃浦字號 ○藥性 魚肝油最為補身開肺止咳化痰 ○輕養燐養 補筋骨開脾胃治肺癆 ○麥芽精最為補身肥體開胃 ○野櫻菓止咳嗽止吐血添精補髓 ○每罇價大二元五角 小一元半 買七一箱九折
大英一千九百零三年十二月一號 南洋總代理人新嘉坡土庫街門牌十四號孟嘉大藥房發售

電覆路權 ○議爭路權一事前由粵省紳商公舉張爾士侍郎暨鄧小亦中丞駐滬會同盛大臣磋商約等情經由鄧中丞覆電認可有事關梓鄉大局義不容辭俟張侍郎到滬會商隨時奉達云云去月二十日辰刻商務局接到張侍郎來電云 商務局紳商公鑒承推許懼弗克勝惟事關桑梓理當共奮應如何籌辦諸公定有高見乞隨事指教振勳然則張侍郎之鑒念故鄉堅持廢約熱心擔任情見夫詞一電遙傳誠足以振全粵紳商之精神者也○政府於粵漢鐵路刻已決計廢約當由盛大臣電請政府將在美小票四百餘萬先行扣住以便廢約經已電致梁使照辦矣聞粵漢鐵路公司中人因盛大臣將小票扣留即不復給一切款項故在粵之工程師已紛紛停工聞粵督岑制軍有電致盛大臣詳詢粵路停工之緣由

商標啟爭 ○商部擬辦理商標注冊一案前由英公使寄交上海英國商會檢閱該會代表人哲美生竭力贊成日美等國亦無異議惟德法兩國稍有異同德爭之尤力商部以辦理商標係我國自有之權况所定章程較之各國有減無增並無不合之處聞已定於十五日開辦

船政欠款 ○福州船政局前欠法人八十萬金福州大吏頗以為憂又恐法人將乘此機會覬覦船政局之權後外務部及福州官場查得此款已於庚子賠款中付出始為釋然

商埠計畫 ○江門既開商埠華洋雜處交涉案件自難保其必無現經大吏派員常川駐埠專辦一切交涉事宜并在該埠建設達省電線俾消息靈通若遇要公不致往來滯帶云

比較軍略 ○字林報得訪事人來函云日本此次最占便宜之處第一在鄰近戰地故能諸事得手然俄國所為各事亦有先見之明實足使人驚歎者如數年前築造西比利亞鐵路故今日運兵運餉皆資其利便而高加索山復鑿有一極大水池其中所容清水足供一年之用平時則以之灌溉農田今日有事則用鐵管通至東方兵士飲水皆取資於此似日本所為祇顧及目前而俄并顧及將來然日本欲長驅直入使俄國東方不留一兵一艦亦不可不於將來之事留心預備也

俄雷突發 ○日本東京來電云某日天大雷雨巨震一震岳環山崩旅順所理地雷其線感受空中電氣轟地爆發幾於地軸撼搖既而右翼炮臺一帶地雷幾如銅山西傾落鐘東應黑煙紅燄塵塵半空天地為之翻騰軍士盡成齏粉亦一非常慘禍也

曖昧難言 ○前報爪亞婦意乘控告孟加里人尾申強搶銀鈕扣金約指金等物共值七十五員一案緣婦當往報聞捕房時據稱伊與尾申平日相識尾申屢言柔佛新山風景佳絕意欲偕伊前往遊歷以暢襟懷時伊不察墮賊奸謀隨于去月念七日盛飾出門同車而去迨經距坡八英里地名武吉智嗎道上尾言有一好友在此附近灌園為生因令就此停車探訪因料跟至相距大路約有一百五六十英尺一深林中尾令稍停胆敢將伊強行污辱被姦已畢復將伊金銀首飾脫刺一空掠之而過今故前來投報請即跟蹤緝拿云云當由二十八號二畫差乘車疾馳趕至該婦所居被污之處遙見尾申行踪閃爍猝然驟入林中該差依舊直行偽為不見迨不數武突從捷徑奔入林內尾申見而狂奔該差在後窮追及抵武吉智嗎火車站頭始將尾申捕獲盤其身畔得將贓物搜回拘返捕房令婦認明控諸府署昨初四日由府提訊查知兩造均甚無賴殊難准信判將尾申省釋案即注消

誣告議罰 ○前報閩人楊義妹楊基妹二人報聞捕房訴稱被福清人施炳妹竊去鴉片烟槍烟嘴等件後由十號暗差拘施入案一節昨日堂訊被告延律師到堂辯稱施非行竊該項物件委係與二楊購來誣捏情殊不甘等語聞官判二楊罰銀二員給與被告了案

原情免究 ○前報閩人江英瓊在老爺宮街門牌第十九號造收買舊料什物生意去月因買賊被控經六百六十一號暗差至該店搜獲日前工部局所失之電線四百餘斤值款四十餘元拘案核辦昨日由府太守研鞫被告延律師代辯訴稱江係一時誤買本出無心與知情串買者不同爰得恩准免究

截路強搶 ○閩人吳載地初二之夕十一點餘鐘行經實龍崗路被穆拉油人名卑劣者截搶銀五元二角吳隨報該處捕房由十號暗差拘拿逮案查前犯案三次今日提堂訊究展期初十日候交兩太守全訊

圖竊未成 ○西人某居住華里芝路門牌十六號昨夜十二鳴鐘時被粵人張德破門入屋圖竊未成適遇巡差八十二號暗差六號梭巡警見上前兜獲今日過堂展期初九日乃訊

核疫而死 ○孟買人居麻六甲街門牌二十二號緣屋內有一人患核疫殞斃為工部局查悉誠恐有礙衛生因拘獲該屋內孟買人前往淇漳山安置以杜傳染至於該屋衣物尚未付諸一炬猶俟稽查云

何愛一牛 ○吉甯人士古憐壬居住實龍崗門牌六號飼有一牛去月廿九日時方爾牛來思不料竟櫻粵人陳福之怒福固力大如牛者則亦何愛一牛盛怒之餘手起刀落牛旋死刃下適遇七十七號巡差警見執陳逮案今日提訊判陳入監六閱月

私烟議罰 ○前報閩人蘇金成居美芝路門牌六號樓上九月十九日烟公司請票由巡丁三號隨全四畫差阿利前往搜出私烟一

重罰十兩值銀三十元今日官訊罰銀一百五十員無銀完罰改禁三月

毆傷被拘 ○潮人林錫日昨下午兩點餘鐘息肩於紐馬吉路擺賣魚蔬被一百三十二號巡差驅逐之蓋嫌其阻塞路途有礙來往也林不遵從與差互相糾纏時有二十九號暗牌差馳至協拿林錫共入二案今日由府提訊林自認酒醉官判罰銀五元不完改禁三禮拜

遺留游民 ○前報游民因游手無業被逮今日由府再提訊准覓人醫保二十五元保三禮拜不山犯事俟有工與棲身須要報開捕房存案

逝者如斯 ○日前由廣東甲里越前來叻安雷縣院之男婦吳瑞生氏年二十七歲綠婦前在麻六甲埠與其夫相隨竊旅伉儷亦焉不知婦因何鬱鬱不得志神志凌亂揮刃欲傷夫婿是以解交來坡計入風瘋院已由易其替初三日在院因病身死由國家飭役掩埋○又去月二十九日渣典碼頭有約生一尸之男嬰後尸一具體拋置該處經一百七十號巡澳才報聞亦已檢驗飭埋

貴重地器物出投告白 ○啟者茲奉命定於西一千九百零四年怒民來月十四號拜一即華十月初八日下午兩點半鐘在本館內拍賣貴重地三區 第一區坐落打石街乃永遠自主之業 第二區坐落惹蘭勿烈門牌第三十一號三十二號及三十三號乃九百九十九年之業 第三區坐落峇峇路邊域多利亞橋火較器具 諸君有欲投資者屆期 玉臨可也此佈
大英一千九百零四年十一月十一號 峇蘭拍賣館主人謹啟

懲前儆後 ○竊謂商場交易首貴公平而商業經營宜防擾奪此生財所貴有道斯秉公方獲無私也公啟者做等同以取魚為業氣誦本屬相爭平日與眾漁戶交易必須先行借給資本如放賬然令彼陸續交魚將魚對賬此乃自來成例亦屬兩不相虧無如近日竟利艱難人心不古每每以一漁戶而分借數家之費迨至將魚附寄前來不分借欸之先後以作交魚之次第遂令放賬者因為爭先取魚之故忿不能平近如毛荷坡炎利號黃春為清合漁戶會領本坡米實憐第十七號門牌福記及牙冷實得力第三十五號門牌兩勝號兩家魚販先放賬項然後交魚不意福記號東主郭天祐與兩勝號東主林貫因為爭取交魚之故幾釀禍端幸遇新合成號東主官長成翁出作公親力為調停方得言歸于好做等前車可鑒後患宜防玆特集眾會議妥訂新章此後各漁戶如有寄魚交與做等各家必須遵照所寄店號遺伴妥收不得因有放賬與該漁戶之故恃強奪取倘有違章取魚為眾查確該魚販必須備辦酒筵壹梓以及演戲壹樁向公眾謝過如不照此辦理則將該魚販字號及其東人名姓標貼巴虱之中此後眾魚戶不復與伊交易此乃做等公同訂定各無異言特將始末刊錄報中以昭公允此啓
光緒甲辰年陽月初四日 謝永和 合利號 福興 泉和 承順 德成美 江記謹啟 福茂安 龍山丕記 成發 金福記 長記新合成

光緒甲辰年陽月初四日

全立魚販公約章程

謝永和 合利號 福興 泉和 承順 德成美 江記謹啟

啟者本班名葉朝棟之穆拉油戲現已到叻定於本月初五晚即本拜五夜在惹美芝律第四百四十九號門牌園中開演 亞勝憐 故事 諸君欲知客位單價請觀本班分派之單張便悉此佈
大英一千九百零四年九月十四號
光緒三十年八月初五日
本班主人亞武馬加謹啟

榮吉洋行 絨洋正 請看榮吉洋行 由歐洲新辦到各色羽絨 花 絨 布疋 毡帽 煙嘴 香 水 靴鞋 手巾 各色絲衫 絲褲與及做番衣材料花紬 鈕門線袖裡布各色骨鈕各等 什貨太多平沽不能盡錄 諸君欲採辦者請到本行面議諸 價格外從廉定於十月初八日 起限三禮拜為止
光緒三十年十月初四日 英 一千九百零四年十一月十號
士庫門牌十二號榮吉洋行告白
沽平價減大貨洋正 行

穆拉油名班演劇 啟者本班名葉朝棟之穆拉油戲現已到叻定於本月初五晚即本拜五夜在惹美芝律第四百四十九號門牌園中開演 亞勝憐 故事 諸君欲知客位單價請觀本班分派之單張便悉此佈
大英一千九百零四年九月十四號
光緒三十年八月初五日
本班主人亞武馬加謹啟

承頂聲明 將店底傢器全盤頂與張翊臣陳朱記陳源記承受定于本月初九日交易清楚此後生理留虧與巫特選無干而廣泰源號巫特選日前有與外間往來賬目揭借滙兌等事請於一禮拜以前惟向經手理妥如過期不來乃係自誤與承頂人無涉特此佈 聞
光緒三十年十月初四日
張翊臣陳朱記陳源記謹啟 順豐號林德閣謹啟

遷店聲明 ○啟者新嘉坡小坡舊監前林德閣所設順豐號大酒店現遷住美芝律門牌一百六十號及一百六十一號開張凡諸商翁交易如有友人到訪并函札欲交做號者政勞 玉臨為幸此佈
光緒三十年九月二十六日 順豐號林德閣謹啟

憲

大英欽命新嘉坡輔政使司 為招供物料事照得本坡及檳榔嶼麻六甲三州府各衙署欲用之雜物茲欲招人入票承供為此示仰商民人等知悉汝等有欲承供各物者可於西一千九百零四年九月十六號拜三即華十月十三日中午以前入票前來在本坡則投交本署其在嶼甲兩地即交該處參政司署以憑選擇而其所欲入之票其格式紙在本坡可到本署取討以便照填其在嶼甲即向該處參政司署取討其所承供之雜物有以一年或兩年三年為期者則以此 為記其餘無星者皆以一年為期由一千九百零五年然花里月一號起算茲將欲用之雜物開列于左



示

◎ 祖家灰及炸藥 衙中公役及雜役衣裳之布料 ◎ 呂宋索帆布等件 炭煤 火柴 灰磚瓦及魯古石等件 銅鐵及器具及機器師所用各物 醫院所用之牛乳 ◎ 由他處入口雜物 本地所出雜物 ◎ 油漆物料 土油 醫院所用糧食及雜物 船政司署所用糧食等件 府署拘留犯人所用糧食 獄中犯人糧食 隔水拘禁人等糧食 木料 以上皆在新嘉坡所用衙中公役及扯風扇人衣裳之布料 國家輪船及小輪船所用之煤炭 ◎ 呂宋索及帆布等件 火柴在輪船及小輪船所用 門牌及車牌 辟穢兒十藥水 灰磚厝瓦及魯古石等件 銅鐵及器具及機器師所用各物 ◎ 由他處入口雜物 本地所出雜物 ◎ 油漆物料 土油 醫院糧食及雜物 吉寧人新客糧食 船政司內糧食 府署拘留犯人糧食 獄中犯人糧食 隔水拘禁人等糧食 木料 以上乃檳榔嶼所用 配運牛車 衙中公役及扯風扇人衣裳之布料 灰磚厝瓦及魯古石等件 銅鐵及各器具及機器師所用各物 本地所出雜物 土油 醫院糧食及雜物 船政司內糧食 府署拘留犯人糧食 獄中犯人糧食 木料 輪船所用之水及火柴 以上乃麻六甲埠所用 所入之票當為封固其票外必須寫明所欲承供之物 如欲承供本坡之醫院及獄中糧食者當將其米之辦及粉辦裝入玻璃罐中呈驗 投票之時本國家因欲担保其入票之人每票當為先交一百元以為壓票之用若其票不能中選則國家將該款給還若經中選則於立約畫號之後當將該款給還至于價之高低以及票之棄取由國家裁奪而本坡透往柔佛火車所用之物料國家有權可以由他處購買 特此聲明各宜踴躍慎毋觀望特示 大英一千九百零四年十一月十號

良醫到叻

啟者茲有朱君義山先生前寓潮州汕頭司理廣生醫局藥到回春名馳遠近則先生才儲八斗學富五車保生民自有長生藥安老少自有不老丹居然華陀再世今已到叻要不過欲抒生平濟世經猷以綿延一方之福命刻駐十三行後郭南盛號茲特聲報以便有病者知所問津焉 光緒三十年九月廿八日 醫 塗庫街薛永元謹啟

啟者黃先生英華實儒家之雅士素精岐黃誠海外之扁鵲今時之和緩也現懸壺于賭間口粵海清廟後福裕堂內臨症措方無不藥到春回登諸壽域僕室中並小兒深患河魚屢治罔效嗣請先生一診不數劑即已霍然僕佩其深恩無以為報所由不敢隱匿願公諸世俾有病者知所延治共慶着手成春也故特肅此廣告 光緒三十年九月廿五日 柔佛阮長青謹啟

遷店告白

啟者做公司現已遷在絲絲街門牌第七十六號與烟酒餉碼大公司同列 諸君有欲惠顧抑以函札來往者請祈勿吝 玉趾特此佈聞 光緒三十年十月初一日 雙德美公司謹啟

冒騙宜知


啟者本號在叻開張數十餘年發賣烟絲向來精美專揀選上等地道烟葉配製素蒙 士商稱許遠近馳名不意近有無恥之徒將下等低貨假冒本號招牌字樣以圖魚目混珠從中影射經本號查出捉拿交官經於六月初三日在巡理府正堂承兩府尊朱訊定案判以下等低貨冒充上等字號之烟作為假冒招牌希圖煽騙定讞立將此烟照例毀滅以免混亂嗣後倘有人辦烟來叻仍敢冒用審廣蘭字號或祇用廣蘭字號等樣印在烟包上及烟箱外面一經本號查明定必解官究辦將該貨銷毀其作偽之人以及代為存貯該貨之人均皆控告歸案以俟嚴懲特此佈告 光緒三十年六月十六日 朱廣蘭啟

敬頌名醫 茲有海邑儒醫朱義山先生者向在汕頭廣生醫局為正醫師十餘年矣謬者甚眾近因遊覽山川順途抵叻寓於十三行後街南盛干菓店內但先生者深得岐黃奧旨且擅盧扁精傳所有臨證措方無不藥到春回登諸壽域余素實知其藝之精所由不敢隱匿願公諸世俾有病者知所延治庶幾共見着手成春也是以肅此廣為佈聞 光緒三十年九月廿三日 實叻陞旗山麓承順源號黃敬忠謹啟

各式機車發客

啟者本公司常有火車 製油機車 及開礦所用機車

板廠所用機車 火較所用機車 製造酸柑水之機車



抽水機車

以及各種

機器車輛

出售其價

均甚相宜

諸君有欲知其詳細者請到本公司查詢便悉特此佈

聞 大英一千九百年零四十一月五號

新嘉坡慕娘有限公司謹啟